

KINOLOŠKI SAVEZ u BOSNI i HERCEGOVINI

**PRAVILNIK O STRUČNOM RADU
KINOLOŠKOG SAVEZA u BOSNI I HERCEGOVINI**

Na osnovu člana 40. i 49. Statuta Kinološkog saveza u Bosni i Hercegovini i nadležnosti Skupštine Kinološkog saveza u BiH (u daljem tekstu, skraćeno KSuBiH), Skupština KSuBiH je na svojoj sjednici održanoj u Laktašima, dana 14.04.2012. godine usvaja:

PRAVILNIK O STRUČNOM RADU KSuBiH

OPĆE ODREDBE

Član 1.

Pravilnik Kinološkog saveza u Bosni i Hercegovini o stručnom radu je normativni akt kojim se reguliraju stručna pitanja o radu KSuBiH članica KSuBiH kao i ostalih državnih pasminskih klubova koje su članice u krovnoj organizaciji KSuBiH.

Član 2.

Kinološki savezi, članice, državni pasminski klubovi KSuBiH će dosljedno sprovoditi i primjenjivati odredbe Pravilnika u svojim osnovnim kinološkim organizacijama na području svog djelovanja.

Član 3.

S obzirom da su Pravilnici podložni promjenama shodno iskustvima i praćenju postignutog na polju kinologije, usvaja se ovaj Pravilnik koji će pratiti razvoj kinologije te se mijenjati u cilju daljeg napretka rada i usavršavanja kinologije uopće.

Pravilnik o stručnom radu Kinološkog saveza u BiH se sastoji od:

- 1. PRAVILNIK O UZGOJU I UPISU PASA U RODOVNU KNJIGU KSuBiH*
- 2. PRAVILNIK O KINOLOŠKIM MANIFESTACIJAMA I IZLOŽBAMA*
- 3. PRAVILNIK O KINOLOŠKIM SUCIMA I STRUČNIM KADROVIMA*
- 4. PRAVILNIK O TRAJNOM OZNAČAVANJU PASA*
- 5. PRAVILNIK O DISCIPLINSKOJ ODGOVORNOSTI*

Član 4.

U skladu sa svojim potrebama a na osnovu Statuta i važećih međunarodnih pravilnika KSuBiH će donijeti ostale neophodne pravilnike za nesmetano obavljanje kinoloških aktivnosti u BiH.

Član 5.

- a) Ovaj Pravilnik stupa na snagu 14.04.2012. godine.
- b) Stupanjem na snagu ovog Pravilnika Skupština KSuBiH obavezuje svoje članice da osnuju potrebne Komisije za sprovođenje ovog pravilnika, te da uskladi važeće pravilnike o uzgoju sa odredbama ovog Pravilnika.
- c) Kinološke organizacije, članice, KSuBiH kojima je KSuBiH povjerila vođenje uzgoja za pojedine pasmine dužne su svoje uzgojne propise i pravilnike uskladiti sa ovim Pravilnikom KSuBiH.
- d) Svi prethodni pravilnici o stručnom radu u BiH prestaju sa važenjem danom donošenja ovog Pravilnika.